

TORTURA AUZIA EPAITEGIAN. 1998an Sebas Lasa eta Alfonso Sebastian torturatzeaz akusatuta auzipetu zituzten

Erredakzioa | DONOSTIA

Torturengatik epaitutako bi guardia zibil zigorgabetu eta aske uztea erabaki zuen atzo Gipuzkoako Probintzia Auzitegiak. 1998ko maiatzean Sebas Lasa eta Alfonso Sebastian us-tezko etakideak torturatu izana egozten zieten. Auzitegiko lehen salak ebatzi du ez dagoela tratu txarren frogarik: lesioak «atxiloketaren unean eraginda-koak» zirela, atxilotuek «erresistentzia jarri» zutelako.

Maiatzaren 8an egin zen epaiketa, eta fiskalak, defentsak bezalaxe, bi guardia zibilak absolbitzeko eskaera egin zuen. Akusazio partikularrak, ordea, sei urteko kartzela zigorra eta 12 urteko inhabilitazio osoa eskatu zuen akusatuentzat.

Epaketan, Lasak eta Sebastianek esan zuten «inongo erresistentziarik» ez zutela jarri, eta atxiloketaren ostean bost egunez denetariko tratu txarrak jasan izana berretsi zuten: poltsa, elektrodoak, kolpeak gorputz atal guztietan... Lasaren hitzetan, «konortea galdu arte» kolpatu zituzten, behin eta berriro. Bi guardia zibilek, ordea, Sebastianek eta Lasak erresistentzia jarri zutela azaldu zuten: «Lurrean zilipurdika» ibili ostean, beste guardia zibil batzuen la-

Tratu txarrengatik epaitutako bi guardia zibil absolbitu dituzte

Gipuzkoako Auzitegiak dio ez dagoela tortura frogatzen duen «datu objektiborik»

guntzaz lortu bide zuten bi gazteak atxilotzea.

Ebazpenaren arabera, Lasa eta Sebastianen deklarazioak «umezurtz» daude, ez baitago akusatuak errudun direla frogatzen duen «datu objektiborik». Salaren irudiko, ez da «sinesgarria» bi gazteek diotena; ez du ulertzen «Auzitegi Nazionalen tratu txarrak zehaztasun gehiago ez kontatzea» eta salaketa jartzerako urtebete igaro izana. «ETako kide izanik» haien deklarazioak «kontu handiz» hartu behar direla ere badio. Fiskaltzaren arabera, ETak torturak salatzeak agintzen die taldeko ekintzaileei.

«Froga guztiek lesioak atxilo-

keta garaian sortu zirela ematen dute aditzera: agenteek erresistentziari aurre egiteko erabili behar izan zuten indar zilegi eta neurtuaren ondorio direla». Gainera, ebazpenak dio forentsearen txostenean jasotako kolpeak gutxi direla, eta forentseak berak esan zuela atxiloteta garaian sortutakoak izan zitezkeela: «Salatutako tratu bortitzekin bat datorren zantzurik ez dago».

Osasun azterketak

Mediku forentseak, hala ere, lesioak tratu txarrek eragindakoa ere izan zitezkeela esan zuen epaketan, Iñigo Elkoro akusazioaren abokatuak galdetu zio-

nean. Elkorok salatu zuen osasun azterketak «oso azalekoak» izan ohi direla, eta ez dela tresna aproposik erabiltzen tratu txarren zantzuak antzemateko.

Guardia zibilen identifikazioa

Sebastianek ziurtatu zuen akusatuak batek autoa gidatu zuela Madrileraino, eta esan zuen bidean zihoazela buelta eman eta ukabidez jo zuela bu-ruan, «nire erantzun bat ez zitzaiolako gustatu». Hala ere, gainerakoan «torturatzailerak aurpegiak estalita zeramatzaten», Sebastianen esanetan, eta ezin izan zuen baieztatu aulkian eseritako biek tratu txarretan parte hartu zuten ala ez. Lasa, berriz, ez zen gai izan bi guardia zibilak ezagutzeko: «Poltsarekin ez nengoenean, lurrera begira egotera behartzen ninduten».

Polizi operazioko arduradun ziren bi guardia zibilek atxilotetan parte hartu izana onartu zuten, baina ez atxilotuak garraiatzea. Sebastian eta Lasa 1998ko maiatzaren 2an atxilotu zituzten, Donostian, Loiolako kuartelaren aurka erasoak prestatzea leporatuta, eta egun kartzelan daude biak. Operazio berean, Kristina Gete eta Josu Lonbide atxilotu zituzten, eta haiek ere torturak salatu zituzten.

Torturak salatu zituzten azken gazteen senideak Arartekoarekin bildu dira Iruñean

Erredakzioa | IRUÑEA

Torturak salatu zituzten Nafarroako azken gazteen senideak Maria Jesus Aranda Arartekoarekin bildu ziren atzo, Iruñean. Bileran, gazteok Madrilgo polizia etxean pairatutako tratu txarrak eta torturak jasotzen dituen txostena helarazi zitzaion Arartekoari. Gisa berean, NBEko esatariak Espainian jazo-tako tortura kasuen txostena eman zioten, eta TATk tortura desagertzeko egindako manifestua ere bai.

Ana Gil Perez-Nievas gazteak, Iruñeko azken polizia operazioan atxilotuak, Guardia Zibilaren egoitza inkomunikatuta egon zen bost egunetan jasan «torturak» agertu zizkion. Arandak, jarrera ona azaldu arren, senideek aurkeztu kexak tramitatzea besterik ezin duela egin erantzun zien.

EUSKAL GATAZKA. Taldeak liburu bat aurkeztu du



MARISOL RAMIREZ / ARGAKI PRESS

Javier Elzo eta Gema Izkarondo, atzoko prentsa agerraldian.

Deustu Forumak dio gatazka «egon badagoen arren» indarkeria dela arazo nagusia

Erredakzioa | BILBO

Deustu Forumak euskal gizartea eta bizikidetzaren inguruan eginiko lanaren ondorio nagusiak jakinarazi zituen atzo taldeko bozeramaile den Javier Elzok. Gatazka egon badagoela aitortu dute topaketetan parte hartu duten irakasle, politikari ohi eta irakasleek. Nolanahi ere, bat egin dute «indarkeria terrorista» euskal gizartearen arazo

nagusitzat aipatzean. Iaz Ramon Zallo, Joseba Arregi, Jose Ramon Rekalde, Javier Oliart eta Javier Tusellen arteko topaketan eginiko hausnarketak bildu eta apailatu ondoren, Deustu Forumak atzo aurkeztu zuen *Bizikidetzak euskal gizartearen liburuaren* bigarren zatia. Lehenbizikoa iaz argitaratu zuten, 2000.ean beste solaskide batzuekin egindako mintegiaren bildumarekin.